

Ո Ր Ո Շ ՈՒ Մ N 102 /6
/ՎԱՐՉԱԿԱՆ ՎԱՐՈՒՑԹԸ ԿԱՍԵՑՆԵԼՈՒ ՄԱՍԻՆ/

«18» ապրիլի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Արթուր Սեմյոնի Գրիգորյանի /անձն. 18AB44450, քաղաքացիություն՝ Վրաստանի Հանրապետության և Հայաստանի Հանրապետության, հասցե՝ ք. Թբիլիսի/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Վրաստանի քաղաքացի Արթուր Սեմյոնի Գրիգորյանի անվամբ 18.01.2019 թվականի թիվ 05100033/180119/0000337847 մաքսային մուտքի օրդերով «Ժամանակավոր ներմուծում» մաքսային ընթացակարգով 31 օր ժամկետով ՀՀ տարածք է ներմուծվել SUBARU-FORESTER մակնիշի, NN576UU պետհամարանիշի, 2000 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը երկարաձգվել է մինչև 18.02.2019 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի մաքսային տեսուչ-իրավաբանի կողմից 22.02.2019 թվականին Արթուր Սեմյոնի Գրիգորյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով: Նշանակվել է գործի քննություն 18.04.2019 թվականին ժամը 16:00-ին, ՀՀ ՊԵԿ Արևելյան մաքսատուն-վարչության վարչական շենքում: Ծանուցագիրը և արձանագրությունը ուղարկվել է մաքսային մուտքի օրդերը լրացնելու ժամանակ Ա. Գրիգորյանի կողմից նշված հասցեով՝ Վրաստանի Հանրապետություն, ք. Թբիլիսի: Քանի որ հասցեն թերի է, ուստի գործի քննության տեղի և ժամի մասին վերջինս պատշաճ ծանուցված չէ:

«Վարչարարության հիմունքների և վարչական վարույթի մասին» ՀՀ օրենքի 49 հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել

վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Հաշվի առնելով վերոհիշյալը՝ ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 1-ին մասի «Բ» կետով.

Ո Ր Ո Շ Ե Ց Ի

1. ՀՀ քաղաքացի Արթուր Սեմյոնի Գրիգորյանի վերաբերյալ 22.02.2019թ. հարուցված վարչական վարույթը կասեցնել:
2. Որոշման մասին հայտնել Արթուր Գրիգորյանին:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ